

ხელშეკრულება № 60-7-111-456

ქ. თბილისი

2011 წ. 30.09.

მხარეები

1.1 წინამდებარე ხელშეკრულება დადებულია 2011 წლის 30 სექტემბერს ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი რეაბილიტაციის მმართველის სულხან ზუმბურიძის სახით (შემდგომში – „შემსყიდველი“) და მეორეს მხრივ შპს „იტს“-ს (შემდგომში – „მიმწოდებელი“) შორის, წარმოდგენილი დირექტორის თეიმურაზ მიქელაძის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი დანართი №1-ის (ფასების ცხრილი) შესაბამისად.

2.2 დანართი №1 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს 9666 (ცხრაათას ექვსას სამოცდა ექვსი) აშშ დოლარი დღგ-ს ჩათვლით (შემდგომში – „ხელშეკრულების ღირებულება“), საქონლის ღირებულება ითვალისწინებს ყველა ხარჯს, მათ შორის: საქონლის ტრანსპორტირების და მოქმედი კანონმდებლობით გათვალისწინებული ყველა გადასახადის ხარჯებს „შემსყიდველის“ შემდეგ მისამართამდე: ქ.თბილისი, ქინძმარაულის ქუჩა №29, შპს „საქართველოს სახელმწიფო ელექტროსისტემის“ ნავთლულის მატერიალურ ტექნიკური ბაზა.

3.2 ანგარიშსწორება განხორციელდება შემსყიდველის წერილობითი მოთხოვნით განსაზღვრული საქონლის სრულ მოცულობაზე მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში გადახდის დღეს საქართველოს ეროვნული ბანკის მიერ დაფიქსირებული კურსის მიხედვით.

3.3 იმ შემთხვევაში თუ „მიმწოდებლის“ მიერ მოთხოვნილი იქნა საავანსო გადახდა, „შემსყიდველი“ „მიმწოდებელს“ უხდის საავანსო თანხას (არაუმეტეს „შემსყიდველის“ წერილობითი მოთხოვნით განსაზღვრული მოცულობის ღირებულების 50%-ისა), „მიმწოდებლის“ მხრიდან შესაბამისი ოდენობის საბანკო გარანტიის წარმოდგენის შემთხვევაში, საბანკო გარანტიის წარმოდგენიდან (საბანკო გარანტია წარმოდგენილი უნდა იქნეს კომერციული ბანკიდან) 10 (ათი) დღის განმავლობაში. საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 დღით მეტი ვადით. საბოლოო ანგარიშსწორება განხორციელდება წერილობითი მოთხოვნით განსაზღვრულ საქონლის სრულ მოცულობაზე მიღება-ჩაბარების აქტის გაფორმებიდან და ანგარიშფაქტურის წარმოდგენიდან 10 (ათი) სამუშაო დღის განმავლობაში. ავანსად გაცემული თანხა ჩაითვლება საბოლოო ანგარიშსწორებისას.

3.4 ანგარიშსწორება განხორციელდება ლარებში უნაღდო ანგარიშსწორების ფორმით გადახდის დღეს საქართველოს ეროვნული ბანკის მიერ დაფიქსირებული ოფიციალური კურსის მიხედვით.

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

#### IV. მხარეთა უფლება-მოვალეობები

4.1. „მიმწოდებელი“ მოვალეა გადასცეს “შემსყიდველს” ნივთობრივად და უფლებრივი ნაკლისაგან თავისუფალი საქონელი „შემსყიდველის“ წერილობითი მოთხოვნის მიღებიდან დანართ #1 მითითებული ვადის შესაბამისად შემდეგ მისამართზე: ქ. თბილისი, ქინძმარაულის ქუჩა №29, შპს „საქართველოს სახელმწიფო ელექტროსისტემის“ ნავთლუღის მატერიალურ ტექნიკური ბაზა.

4.2. “შემსყიდველი” მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს “მიმწოდებელს” მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

#### V. გარანტია

5.1. “მიმწოდებელი” იძლევა გარანტიას, რომ მიწოდებული საქონელი (თანმდევი მომსახურებით) მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. შესაბამისი ექსპლუატაციის პირობებში „მიმწოდებლის“ მიერ მიწოდებულ საქონელზე (თანმდევი მომსახურებით) საგარანტიო ვადა არის მიღება-ჩაბარების აქტის გაფორმებიდან 12 თვე.

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, “მიმწოდებელი” ვალდებულია თავისი ხარჯებით გამოასწოროს ხარვეზი “შემსყიდველის” წერილობითი შეტყობინების მიღებიდან 35 (ოცდათხუთმეტი) კალენდარული დღის განმავლობაში, თუ ეს შეუძლებელია “მიმწოდებელმა” “შემსყიდველის” წერილობითი შეტყობინების მიღებიდან 60 (სამოცი) კალენდარული დღის განმავლობაში უნდა შეცვალოს საქონელი.

#### VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ დღეზე ხარისხიანი საქონლის სრულად მიწოდების დღემდე.

6.2 „მიმწოდებლის“ მიზეზით საქონლის არასრულად ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ დღეზე ხელშეკრულების შესწყვეტის დღემდე.

6.3 ამ ხელშეკრულების 6.1 პუნქტით გათვალისწინებული პირგასამტეხლო „მიწოდებელს“ გადასახდელად დაერიცხება აგრეთვე იმ შემთხვევაში თუ „მიწოდებელს“ საქონელი (თანმდევი მომსახურებით) უბრუნდება წუნდების ან ხარვეზის შემთხვევაში, წუნდებული ან ხარვეზიანი საქონლის მაგივრად ხარისხიანი საქონლის (თანმდევი მომსახურებით) მიწოდების დღემდე. 6.1 და 6.2 პუნქტების მოქმედება ასევე ვრცელდება საგარანტიო პერიოდზე.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5. „მიწოდებლის“ მიერ „შემსყიდველისათვის“ საქონლის არ მიწოდების შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს თანხა 900 (ცხრაასი) აშშ დოლარის ოდენობით.

6.6. „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიწოდებელზე“ დარიცხული პირგასამტეხლოს და ჯარიმის თანხა.

6.7 წინამდებარე ხელშეკრულებით გათვალისწინებული საქონლის სრულად არშესყიდვის შემთხვევაში „შემსყიდველს“ პასუხისმგებლობა არ ეკისრება.

## VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიწოდებლის“ მიერ ნაკისრი ვალდებულებების შესრულებაზე.

7.2 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ პროექტების სამსახურის დიზაინისა და ხარჯთაღრიცხვის განყოფილების უფროსი დავით ღვინეფაძე.

7.3 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

## VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონით, დეპეშის ან ფაქსის გაგზავნის გზით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება;

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

## **XI. ხელშეკრულების შესრულების შეფერხება**

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## **XII. დავათა განხილვა**

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

## **XIII. შესყიდვის ობიექტის მიღება-ჩაბარების წესი**

13.1 საქონლის მოწოდებისას “შემსყიდველის” მიერ წინამდებარე ხელშეკრულების 7.2 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

13.2 საქონლის მიღების დროს აღმოჩენილი ხარვეზების (წუნდების) შემთხვევაში „შემსყიდველი“ ვალდებულია ოპერატიულად, წერილობითი სახით აცნობოს „მიმწოდებელს“ სათანადო ხარვეზების შესახებ (წუნდების არსი).

13.3. „მიმწოდებელი“ ვალდებულია ხარვეზების (წუნდების) აღმოჩენის შემთხვევაში „შემსყიდველის“ წერილობითი შეტყობინებიდან 10 (ათი) კალენდარული დღის განმავლობაში თავისი ხარჯებით გამოასწოროს ხარვეზი, თუ ეს შეუძლებელია, „მიმწოდებელმა“ „შემსყიდველის“ წერილობითი შეტყობინებიდან 30 (ოცდაათი) კალენდარული დღის განმავლობაში უნდა შეცვალოს საქონელი.

13.4 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

## **XIV. ხელშეკრულების მოქმედების ვადები**

14.1 ხელშეკრულების მოქმედების ვადა ამოწურულად ჩაითვლება მხარეებს შორის ხელშეკრულებით გათვალისწინებული პირობების შესრულებისთანავე, მაგრამ არაუგვიანეს

2011 წლის 31 დეკემბრის ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

## XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დადებულია 2010 წლის 27 იანვრის საქართველოს მთავრობის №20 დადგენილებით დამტკიცებული შპს „საქართველოს სახელმწიფო ელექტროსისტემის“ მიერ ელექტროენერჯის გადაცემა-დისპეტჩერიზაციის შეუფერხებლად განხორციელებისათვის საჭირო საქონლისა და მომსახურების შესყიდვების განხორციელების სპეციალური წესის მე-6 მუხლის მ-4 პუნქტის ბ) ქვეპუნქტის შესაბამისად.

## XVI. მხარეთა რეკვიზიტები

„შემსყიდველი“:

სს“საქართველოს სახელმწიფო ელექტროსისტემა”  
ქ. თბილისი, ბარათაშვილის ქ. №2  
საიდ. კოდი: 204995176  
ს.ს. „საქართველოს ბანკი“  
ცენტრალური ფილიალი  
ბანკის კოდი: BAGAGE 22  
ანგარიშის ნომერი: 283534100  
სულხან ზუმბურაძე  
რეაბილიტაციის მმართველი


ბ.ა.



„მიმწოდებელი“:

შპს „იტს“  
ქ. თბილისი 0160  
ყაზბეგის გამზირი №47,  
ს/კოდი 404897616.  
ს/ს „თიბისი ბანკი“  
საბურთალოს ფილიალი  
ანგარიშის №: GE45TB7637536080100001  
ბ/კ TBCBGE22  
თეიმურაზ მიქელაძე  
დირექტორი

ბ.ა.



დანართი №1  
ფასების ცხრილი

#	საქონლის დასახელება	განზ. ერთეული	რაოდ.	ერთეულის ფასი	ჯამური ღირებულება (აშშ დოლარი)	მიწოდების ვადა
1	10 კვ. გარე დადგმულობის გამავალი იზოლატორი ИПУ-10/1000-7,5 УХЛ1	ცალი	3	130	390	
2	ერთპოლუსა დამამიწებელი ხელის ამბრავი ЗОН-110М-УХЛ1 ПРГ-00-2УХЛ1-თან ერთად	ცალი	2	4248	8496	60 დღე
3	ძაბვის აწევის შემზღვეველი 15 კვ გარე დადგმულობის. ОПН-П-15/18,8/10/550 УХЛ1	ცალი	2	390	780	
					<b>9666</b>	

სულ აშშ დოლარში დღგ-ს ჩათვლით

„ხელშეკრულების ღირებულება დღგ-ს ჩათვლით შეადგენს 9666 (ცხრაათას ექვსას სამოცდა ექვსი) აშშ დოლარს. მიწოდება უნდა განხორციელდეს ქ.თბილისში, ქინძმარაულის ქუჩა №29, შპს „საქართველოს სახელმწიფო ელექტროსისტემის“ ნავთლულის მატერიალურ ტექნიკური ბაზა.

„შემსყიდველი“:

სს „საქართველოს სახელმწიფო ელექტროსისტემა“



„მიმწოდებელი“

შპს „იტს“

